




Funded by
the European Union

Raporti mbi monitorimin e takimeve të Këshillit Gjyqësor të Kosovës dhe Këshillit Prokurorial të Kosovës

JANAR – DHJETOR 2023



Raporti mbi monitorimin e takimeve të Këshillit Gjyqësor të Kosovës dhe Këshillit Prokurorial të Kosovës

JANAR – DHJETOR 2023

TITULLI:

Raporti mbi monitorimin e takimeve të Këshillit Gjyqësor të Kosovës dhe Këshillit Prokurorial të Kosovës (janar – dhjetor 2023)

AUTOR:

Lëvizja FOL

VITI I BOTIMIT:

2024

WEBSITE:

www.levizjafol.org

ADRESA:

Andrea Gropa nr.35, Prishtinë 10000, Republika e Kosovës

*Ky publikim financohet nga Bashkimi Evropian. Përmbajtja e tij është përgjegjësi vetëm e Lëvizjes FOL nuk pasqyron domosdoshmërisht pikëpamjet e Bashkimit Evropian.

Të drejtat e autorit © 2024. Lëvizja FOL. Të gjitha të drejtat e rezervuara. Asnjë pjesë e këtij publikimi nuk mund të riprodhohet, ruhet në një sistem rikthimi, ose të transmetohet, në çfarëdo forme ose me çfarëdo mjeti, elektronik, mekanik, fotokopjues, incizues ose ndryshe, pa pëlqimin paraprak me shkrim të publikuesit.

Përmbajtja

1. Hyrje	6
2. Metodologjia	7
3. Gjetjet nga monitorimi i takimeve të Këshillit Gjyqësor të Kosovës (janar-dhjetor 2023)	8
3.1 Numri i takimeve të zhvilluara	9
3.2 Publikimi i agjendave	10
3.3 Respektimi i dygjuhësisë në publikimin e agjendave	11
3.4 Publikimi i vendimeve të miratuara	12
3.5 Pjesëmarrja e anëtarëve në takime	13
3.6 Vonesat e takimeve	14
3.7 Anëtarët më aktiv në takime	15
4. Gjetjet nga monitorimi i takimeve të Këshillit Prokurorial të Kosovës (janar-dhjetor 2023)	16
4.1 Numri i takimeve të zhvilluara	17
4.2 Publikimi i agjendave të takimeve	18
4.3 Respektimi i dygjuhësisë në publikimin e agjendave	19
4.4 Pjesëmarrja e anëtarëve në takime	20
4.5 Vonesat në fillimin e takimeve	21
4.6 Anëtarët më aktiv në takime	22
12. Rekomandime	23

1. Hyrje

Ky raport paraqet të dhënat e mbledhura nga monitorimi i takimeve të Këshillit Gjyqësor të Kosovës (KGJK) dhe Këshillit Prokurorial të Kosovës (KPK) gjatë periudhës së monitorimit (janar-dhjetor 2023). Qëllimi i këtij monitorimi është të avokoj për transparencë dhe llogaridhënie në proceset vendimmarrëse të këtyre institucioneve, të cilat kanë një rol të rëndësishëm në administrimin e drejtësisë në Kosovë.

Transparenca është një element thelbësor për ndërtimin e besimit të publikut në sistemin e drejtësisë. Ajo ndihmon në garantimin e qëndrueshmërisë dhe integritetit të institucioneve, duke lehtësuar një komunikim të hapur mes qytetarëve dhe këshillave. Në këtë kontekst, monitorimi i takimeve dhe aktiviteteve të KGJK-së dhe KPK-së është një hap i rëndësishëm drejt promovimit të një kulture të përgjegjshmërisë dhe transparencës në administrimin e drejtësisë.

Ky raport i monitorimit do të ndihmojë në vlerësimin e efikasitetit të takimeve të KGJK-së dhe KPK-së, respektimin e afateve ligjore për publikimin e agjendave, si dhe angazhimin e anëtarëve të këtyre këshillave në diskutime. Përmes këtij procesi, Lëvizja FOL synon të identifikojë sfidat dhe mundësitë për përmirësim, duke kontribuar në forcimin e mekanizmave të kontrollit dhe mbikëqyrjes të këtyre institucioneve.

Përveç analizës së të dhënave të mbledhura, ky raport do të përfshijë gjithashtu rekomandime për përmirësimin e praktikave të KGJK-së dhe KPK-së. Këto rekomandime do të bazohen në gjetjet e monitorimit dhe do të synojnë adresimin e sfidave të identifikuara, si dhe rritjen e transparencës dhe llogaridhënies në këto institucione.

Në vazhdim do të paraqiten të dhënat e monitorimit për KGJK-në dhe KPK-në, që do të ofrojnë një pasqyrë të qartë mbi performancën e tyre gjatë periudhës së monitorimit. Këto të dhëna do të shërbejnë si një burim i rëndësishëm informacioni për politikën dhe praktikën e ardhshme të këtyre institucioneve, duke ofruar gjithashtu një bazë për dialogun publik mbi reformimin dhe përmirësimin e mëtejshëm të administratës së drejtësisë në Kosovë.

2. Metodologjia

Për arritjen e objektivave të këtij raporti, Lëvizja FOL ka përdorur metodën e monitorimit të vazhdueshëm të të gjitha takimeve të mbajtura nga Këshilli Gjyqësor i Kosovës dhe Këshilli Prokurorial i Kosovës, duke u bazuar në agjendat e publikuara në ueb faqen zyrtare të dy këshillave.

Përmes mbledhjes dhe analizimit të të dhënave, Lëvizja FOL synon të identifikojë sfidat dhe mundësitë për përmirësim në funksionimin e këtyre këshillave, duke kontribuar në forcimin e besimit të publikut në sistemin e drejtësisë. Rrjedhimisht, qëllimi i këtij monitorimi është të vlerësohet efikasiteti i takimeve, respektimi i afateve ligjore për publikimin e agjendave dhe nivelin e angazhimit të anëtarëve në diskutime.

Lëvizja FOL, ka monitoruar takimet e Këshillit Gjyqësor të Kosovës në platformën online në Zoom, të cilat janë transmetuar live edhe në ueb faqen e Këshillit Gjyqësor të Kosovës, ndërsa takimet e Këshillit Prokurorial të Kosovës në gjashtë mujorin e parë janë monitoruar online, dhe gjashtë mujori i fundit në prezencë fizike. Të dhënat e mbledhura nga ky proces i monitorimit janë përpunuar në formë infografikash dhe janë publikuar për çdo gjashtë muaj në rrjetet sociale të Lëvizjes FOL.

Lëvizja FOL ka krijuar një përmbledhje të të dhënave që dalin nga takimet e KGJK-së dhe KPK-së, e cila përfshinë:

- *Numrin e takimeve të monitoruara*
- *Respektimin e afateve ligjore për publikimin e agjendave të takimeve*
- *Numrin e agjendave të publikuara në dy gjuhët zyrtare*
- *Prezencën e anëtarëve në takimet e këshillave*
- *Mesataren e vonesave të fillimit të takimeve*
- *Anëtarë të cilët kanë kontribuar më shumë gjatë takimeve*

Këto pika janë trajtuar për të dy institucionet në këtë raport, me qëllim të ofrimit të një pasqyre të qartë mbi performancën e tyre dhe angazhimin e anëtarëve në proceset e vendimmarrjes.

3. Gjetjet nga monitorimi i takimeve të Këshillit Gjyqësor të Kosovës (janar-dhjetor 2023)

Çështja e mbajtjes dhe rrjedhës së takimeve të KGJK-së është rregulluar me Ligjin për Këshillin Gjyqësor të Kosovës, si dhe me Rregulloren nr. 03/2020 mbi Organizimin dhe Veprimtarinë e KGJK-së.

Ligji për KGJK-në, përkatësisht neni 14 i tij, ka përcaktuar se takimet e këshillit janë të hapura për publikun, si dhe rendi i ditës do të jetë i qasshëm për publikun 48 orë para takimit¹. Në po këtë dispozitë ligjore janë paraparë edhe kushtet kur takimet mund të mbyllen për publikun, si dhe obligimi për publikimin e vendimeve të miratuara nga takimet e mbajtura, të cilat brenda afatit pesë ditor duhet të publikohen në ueb-faqen e këshillit.

Ndërkaq Rregullorja 03/2020 e KGJK-së, në nenet 26 – 42 të saj, ka paraparë edhe miratimin e kalendarit të takimeve në fillim të çdo viti, të cilit KGJK mund t'i shmanget kurdo që e shih të nevojshme. Kjo rregullore gjithashtu rregullon çështjen e diskutimit të pikave të rendit të ditës dhe votimit, kuoromit, si dhe incizimin e takimeve.

¹ Ligji nr. 06/L-055 për Këshillin Gjyqësor të Kosovës


3.1 Numri i takimeve të zhvilluara

KGjK, në dhjetor të vitit 2022 kishte miratuar Vendimin nr. 477/2022, përmes të cilit ishte miratuar orari i takimeve të KGjK-së për vitin 2023. Përmes këtij vendimi, ishte planifikuar që gjatë çdo muaji të këtij viti, të mbahen nga dy takime, sipas datave të parapara në këtë vendim.²

Megjithatë, gjatë periudhës janar-dhjetor 2023, KGjK ka mbajtur gjithsej 17 takime, një mesatare prej një takimi në muaj, me disa përjashtime. Në muajin shkurt janë mbajtur 3 takime, ndërsa në prill, qershor dhe korrik janë mbajtur nga 2 takime. Pra, numri i takimeve të mbajtura nuk ka qenë në përputhje me Vendimin 477/2022 të KGjK-së.

Në tabelën e mëposhtme janë paraqitur datat e takimeve të mbajtura për periudhën janar-dhjetor 2023.

Datat e mbajtjes së takimeve KGjK-së gjatë periudhës janar-dhjetor 2023



Grafikoni 1. Numri dhe datat e mbajtjes së takimeve të KGjK-së për periudhën janar-dhjetor 2023.


² Këshilli Gjyqësor i Kosovës, KGjK. nr.477/2022, 14 dhjetor 2022.

3.2 Publikimi i agjendave

Paragrafi 2 i nenit 14 të ligjit për KGJK-në parasheh obligimin e KGJK- së që ta publikoj rendin e ditës/ agjendën e takimit të paktën 48 orë para takimit.³ Gjithsesi, nga monitorimi i FOL, nga 17 takime të mbajtura, 12 prej agjendave nuk janë publikuar me kohë. Pra, konform kohës së paraparë, janë publikuar vetëm 5 agjenda.

Kjo tregon mospërfillje të obligimit ligjor për publikimin e agjendave në kohë nga ana e KGJK-së. Rrjedhimisht, është e rëndësishme që KGJK të respektojë afatet e përcaktuara me ligj për publikimin e agjendave, duke garantuar kështu transparencë dhe llogaridhënie në proceset e saj vendimmarrëse.

Në grafikën e mëposhtme është paraqitur numri i agjendave të publikuara brenda periudhës së paraparë dhe atyre që nuk kanë arritur të publikohen brenda kësaj periudhe.



Grafikoni 2. Numri i agjendave të publikuara me kohë dhe atyre që nuk janë publikuar me kohë.

3.3 Respektimi i dy gjuhësisë në publikimin e agjendave

Paragrafi 4 i nenit 38 të Rregullores 03/2020 të KGjK-së parasheh obligimin e KGjK-së që agjendat e takimeve t'i publikoj në dy gjuhët zyrtare të vendit: shqip dhe serbisht. Kjo dispozitë paraqet një hap i rëndësishëm për të siguruar që proceset e vendimmarrjes të jenë të qasshme dhe të kuptueshme edhe për komunitetin serb, duke promovuar kështu transparencën dhe përfshirjen e barabartë në informacion publik.

Gjatë periudhës janar-dhjetor 2023, KGjK ka mbajtur gjithsej 17 takime, dhe agjendat për këto takime janë publikuar në gjuhën shqipe në kohë për të gjitha takimet. Megjithatë, në gjuhën serbe, nga 17 takimet e mbajtura, vetëm 15 agjenda janë publikuar, duke mos arritur të publikohen 2 agjenda në gjuhën serbe.

Kjo tregon, pra, një mos përfillje të obligimit për publikimin e agjendave në të dy gjuhët zyrtare, e cila mund të kufizojë qasjen e komunitetit serb në informacionin zyrtar. Rrjedhimisht, KGjK duhet të marrë masa për të siguruar publikimin e agjendave në kohë dhe në të dy gjuhët zyrtare të vendit, për të shmangur shkeljen e obligimeve ligjore dhe për të garantuar transparencën dhe qasjen e barabartë në informacion për të gjitha komunitetet.

Në grafikën e mëposhtme është paraqitur numri i agjendave të publikuara në gjuhën shqipe dhe në gjuhën serbe gjatë periudhës janar-dhjetor 2023.

Agjendat e
publikuara në
gjuhën shqipe



17

Agjendat e
publikuara në
gjuhën serbe



15

Grafikoni 3. Numri i agjendave të publikuara në gjuhën shqipe dhe në gjuhën serbe për takimet e KGjK-së.

3.4 Publikimi i vendimeve të miratuara

Paragrafi 7 i nenit 14 i Ligjit për KGJK-në, parasheh se vendimet duhet të publikohen në faqen zyrtare të Këshillit brenda pesë ditëve nga miratimi i tyre. Kjo dispozitë ka një rëndësi të veçantë për të siguruar transparencën dhe llogaridhënien në punën e KGJK-së, duke i mundësuar publikut dhe aktorëve të interesuar të kenë qasje të plotë në informacionin rreth vendimeve dhe politikave që ndikojnë drejtpërdrejt në administrimin e drejtësisë.

Gjatë periudhës janar-dhjetor 2023, një pjesë e madhe e vendimeve të miratuara nga KGJK nuk janë publikuar brenda afateve të përcaktuara me ligj. Kjo gjë është veçanërisht e evidentë në muajin qershor, ku nga 14 vendime të miratuara, vetëm 1 është publikuar, dhe në dhjetor, ku nga 31 vendime, janë publikuar vetëm 13. Ky mosrespektim i obligimeve ligjore tregon për një mungesë transparence dhe për nevojën që KGJK të përmirësojë procesin e publikimit të vendimeve për të rritur llogaridhënien e saj.

Në tabelën e mëposhtme është vendosur numri i vendimeve të miratuara si dhe numri i vendimeve të publikuara në çdo takim të mbajtur.

Datat e mbajtjes së takimeve	Numri i vendimeve të miratuara	Numri i vendimeve të publikuara
18 janar	8	7
02 shkurt	18	17
09 shkurt	12	12
23 shkurt	6	6
23 mars	17	17
6 prill	14	14
20 prill	16	16
18 maj	17	17
12 qershor	15	15
20 qershor	14	1
6 korrik	17	17
28 korrik	24	21
31 gusht	5	5
21 shtator	24	12
30 tetor	42	41
27 nëntor	14	14
21 dhjetor	31	13

Tabela 1. Niveli i publikimit të vendimeve të miratuara nga takimet e mbajtura gjatë periudhës janar-dhjetor 2023.

3.5 Pjesëmarrja e anëtarëve në takime

Gjatë periudhës janar-dhjetor 2023, është monitoruar pjesëmarrja e anëtarëve të Këshillit Gjyqësor të Kosovës në takimet e mbajtura. Nga 17 takime të zhvilluara, vetëm në 1 prej tyre kishte pjesëmarrjen e plotë të të gjithë anëtarëve të Këshillit. Në të gjitha takimet e tjera, mesatarisht mungonte një anëtar.

Kjo pjesëmarrje e ulët e anëtarëve në takimet e KGJK-së, jo vetëm që dëmton efektivitetin e procesit vendimmarrës, por gjithashtu minon efikasitetin e punës së KGJK-së. Për të shmangur këtë, është thelbësore të ndërmerren masa që inkurajojnë angazhim më të madh të të gjithë anëtarëve në takime, duke siguruar kështu një proces më të fortë dhe të qëndrueshëm të vendimmarrjes.

Në grafikonin e mëposhtëm gjeni numrin e anëtarëve që munguan gjatë takimeve të mbajtura.

Data e takimit	Të pranishëm	Munguan
18 Janar	10	1
02 Shkurt	9	2
09 Shkurt	9	3
23 Shkurt	9	3
23 Mars	10	1
6 Prill	11	0
20 Prill	10	1
18 Maj	10	1
12 Qershor	10	1
20 Qershor	10	1
6 Korrik	8	3
28 Korrik	10	1
31 Gusht	9	2
21 Shtator	9	2
30 Tetor	10	1
27 Nëntor	10	1
21 Dhjetor	9	2

Tabela 2. Prezenca e anëtarëve në takimet e KGJK-së gjatë periudhës janar-dhjetor 2023.

3.6 Vonesat e fillimit të takimeve

Pavarësisht se orari i fillimit të takimeve është paraparë në agjendat e takimeve, KGJK ka pasur vazhdimisht vonesa në fillimin e takimeve. Në 4 raste, takimet kanë filluar në kohën e paraparë, ndërsa mesatarja e vonesave në takimet tjera ka arritur deri në 15 minuta. Në muajin shkurt vonesat kanë qenë edhe më të theksuara, duke arritur deri në një orë.

Në tabelën e mëposhtme është shfaqur vonesa e takimeve të mbajtura në çdo takim të KGJK-së.

Data e mbajtjes së mbledhjeve	Vonesa e fillimit të takimeve
18 janar	15 minuta
02 shkurt	45 minuta
09 shkurt	1 orë
23 shkurt	10 minuta
23 mars	15 minuta
06 prill	10 minuta
20 prill	5 minuta
18 maj	Ka filluar në kohë
12 qershor	10 minuta
20 qershor	20 minuta
6 korrik	5 minuta
28 korrik	Ka filluar në kohë
31 Gusht	5 minuta
21 shtator	Ka filluar në kohë
30 tetor	Ka filluar në kohë
27 nëntor	15 minuta
21 Dhjetor	5 minuta

Tabela 3. Vonesat në fillimin e takimeve të KGJK-së gjatë periudhës janar-dhjetor 2023.

3.7 Anëtarët më aktiv në takime

jatë periudhës së monitorimit me vëmendje janë përcjellë edhe diskutimet e anëtarëve të KGJK-së, të cilët kanë kontribuar më shumë në pika të ndryshme të rendit të ditës me komente dhe rekomandime.

Nga monitorimi i FOL rezulton se tre anëtarët më aktiv të KGJK-së gjatë kësaj periudhe ishin:



**Gjyqtari
Avni Mehmeti,**



**Gjyqtari
Fahret Vellija**



**Gjyqtari Qerim
Ademaj**

4. Gjetjet nga monitorimi i takimeve të Këshillit Prokurorial të Kosovës (janar-dhjetor 2023)

Mbajtja e takimeve të Këshillit Prokurorial të Kosovës rregullohet me Ligjin për Këshillin Prokurorial të Kosovës, si dhe me Rregulloren 02/2020 mbi Organizimin dhe Veprimtarinë e KGJK-së.⁴

Neni 14 i ligjit për KPK-në përcakton rregullat për mbajtjen e takimeve të këtij institucioni. Sipas kësaj dispozite, rendi i ditës duhet të bëhet publik të paktën 24 orë para takimit, rregull kjo që synon të garantojë transparencën dhe pjesëmarrjen e publikut. Ky ligj parashikon edhe kushte specifike për mbylljen e takimeve për publikun, duke ofruar balancën midis nevojës për transparencë dhe kërkesave për ruajtjen e konfidencialitetit të çështjeve të caktuara.

Ndërkaq në rregulloren 02/2020, përkatësisht nenet 16-22 të saj, janë përcaktuar më detajisht rrjedhën e takimeve, duke filluar nga natyra publike e takimeve, kuorumi, publikimi i agjendave dhe diskutimet. Ndryshe nga Rregullorja 03/2020 e KGJK-së, në rregulloren e KPK-së nuk është përcaktuar miratimi i kalendarit të takimeve për vitin vijues.


⁴ <https://prokuroriaks.b-cdn.net/ep-content/uploads/2024/07/Rregullore-Nr.02.2020-per-Organizimin-dhe-Veprimtarine-e-Keshillit-Prokurorial-te-Kosoves.pdf>

4.1 Numri i takimeve të zhvilluara

Sipas të dhënave të monitorimit, për periudhën janar-dhjetor 2023 KPK ka mbajtur gjithsej 14 takime. Përveç muajit nëntor dhe dhjetor, kur janë mbajtur nga dy takime në secilin muaj, në muajt e tjerë janë mbajtur vetëm nga një takim.

Në tabelën e mëposhtme janë paraqitur datat në të cilat janë mbajtur takimet e KPK-së gjatë periudhës janar-dhjetor 2023.

Datat e mbajtjes së takimeve të KPK-së gjatë periudhës janar-dhjetor 2023



Grafikoni 4. Numri dhe datat e takimeve të KPK-së të mbajtura gjatë periudhës janar-dhjetor 2023.


4.2 Publikimi i agjendave

Paragrafi 2 i nenit 14 i Ligjit për KPK-në kërkon që rendet e ditës/agjendat e takimeve të KPK-së duhet të publikohen 24 orë para takimit, duke garantuar kështu transparencë dhe llogaridhënie për publikun dhe palët e interesuara.

Nga vlerësimi i të dhënave, rezulton se gjatë periudhës janar-dhjetor 2023 janë publikuar gjithsej 14 agjenda për takimet e KPK-së. Megjithatë, jo të gjitha agjendat janë publikuar brenda afatit të kërkuar ligjor.

Nga këto 14 agjenda, vetëm 9 prej tyre janë publikuar 24 orë përpara takimeve. Ndërkohë, 5 agjenda të tjera janë publikuar me vonesë, gjë që paraqet një mospërfillje të obligimeve ligjore për transparencën institucionale.

Në grafikën e mëposhtme është paraqitur numri i agjendave të publikuara në kohë dhe atyre që nuk janë publikuar me kohë.



Grafikoni 5. Numri i agjendave të publikuara me kohë dhe atyre që nuk janë publikuar me kohë.

4.3 Respektimi i dy gjuhësisë në publikimin e agjendave

Neni 22 i Rregullores nr. 02/2020 i KPK-së ka paraparë se agjendat, materialet e takimeve, vendimet e këshillit dhe të trupave të tij duhet të publikohen në të dy gjuhët zyrtare.

Rrjedhimisht, mund të thuhet se KPK në masë të madhe e ka përmbushur këtë detyrim për të siguruar qasjen e barabartë në informacion për të gjitha palët e interesuara. Gjatë kësaj periudhe, KPK ka publikuar agjendat e takimeve në të dy gjuhët zyrtare. Nga gjithsej 14 takime të mbajtura, vetëm 1 agjendë nuk është publikuar në gjuhën serbe, duke treguar një shkallë relativisht të lartë të përputhshmërisë me rregulloren.

Në grafikën e mëposhtme mund të shihet numri i agjendave të KPK-së të publikuara në gjuhën shqipe dhe atë serbe.

Agjendat e publikuara në gjuhën shqipe



Agjendat e publikuara në gjuhën serbe



Grafikoni 6. Numri i agjendave të takimeve të KPK-së të publikuara në gjuhën shqipe dhe serbe.

4.4 Pjesëmarrja e anëtarëve në takime

Gjatë periudhës së monitorimit, shumica e anëtarëve të KPK-së kanë qenë të pranishëm në takime. Nga të dhënat e monitorimit, rezulton se mungesa e anëtarëve është evidentuar vetëm gjatë muajve janar, prill dhe maj, ku në secilin nga këto takime ka munguar nga një anëtar.

Për sqarim, Ligji për KPK-në parashikon që ky këshill të përbëhet nga 13 anëtarë, përfshirë 7 anëtarë prokurorë dhe 3 anëtarë jo-prokurorë. Megjithatë, gjatë vitit 2023, KPK-ja kishte dy pozita të anëtarëve jo-prokurorë të paplotësuara, konkretisht një pozitë për një përfaqësues nga Oda e Avokatëve të Kosovës dhe një tjetër për një përfaqësues nga shoqëria civile. Më tej, në fund të dhjetorit 2023, Kuvendi i Republikës së Kosovës shkarkoi anëtarin jo-prokuror nga radhët e fakulteteve juridike, duke e lënë KPK-në me tre pozita të zbrazëta për anëtarë jo-prokurorë. Kjo situatë ndikon në përfaqësimin e plotë të këshillit dhe ngre nevojën për plotësimin e këtyre vendeve për të përmbushur standardet e ligjit.

Në tabelën e mëposhtme është paraqitur numri i anëtarëve prezent në takimet e KPK-së gjatë periudhës janar-dhjetor 2023.

Data e takimit	Të pranishëm	Munguan
19 Janar	9	1
23 Shkurt	10	0
23 Mars	10	20
20 Prill	9	1
23 Maj	9	1
27 Korrik	10	0
31 Gusht	10	0
29 Shtator	10	0
13 Tetor	10	0
30 Nëntor	10	0
17 Nëntor	10	0
11 Dhjetor	10	0
22 Dhjetor	9	0 ⁵

Tabela 5. Prezenca e anëtarëve në takimet e KPK-së gjatë periudhës janar-dhjetor 2023.

⁵ Vendimi i Kuvendit të Republikës së Kosovës i datës 15 dhjetor 2023, për shkarkimin e anëtarit jo-prokuror nga radhët e fakulteteve juridike.

4.5 Vonesat në fillimin e takimeve

Gjatë periudhës së monitorimit, KPK ka pasur vazhdimisht vonesa në fillimin e takimeve, me një mesatare prej 15 minutash. Vonesa më e gjatë është vërejtur në takimin e datës 29 shtator, ku takimi ka filluar me 40 minuta vonesë. Ky nivel vonesash paraqet një sfidë serioze në aspektin e respektimit të orareve zyrtare dhe të përkushtimit të kohës për diskutime. Vonesat e përsëritura mund të ndikojnë jo vetëm në kohëzgjatjen e takimeve, por gjithashtu në efikasitetin dhe produktivitetin e punës së këshillit.

Në tabelën e mëposhtme është paraqitur mesatarja e vonesave për secilin takim të KPK-së gjatë periudhës së monitorimit.

Data e mbajtjes së takimeve	Vonesa e fillimit të takimeve
19 janar	5 minuta
23 shkurt	15 minuta
23 mars	15 minuta
20 prill	5 minuta
23 maj	5 minuta
26 qershor	10 minuta
19 janar	5 minuta
23 shkurt	15 minuta
23 mars	15 minuta
20 prill	5 minuta
23 maj	5 minuta
26 qershor	10 minuta
27 Korrik	5 minuta
31 Gusht	10 minuta
29 Shtator	40 minuta
13 Tetor	5 minuta
30 Nëntor	5 minuta
17 Nëntor	30 minuta
11 Dhjetor	10 minuta
22 Dhjetor	10 minuta

Tabela 6. Vonesat në fillimin e takimeve të KPK-së gjatë periudhës janar-dhjetor 2023.

4.6 Anëtarët më aktiv në takime

Gjatë periudhës së monitorimit, anëtarët e KPK-së kanë ofruar vazhdimisht komente, opinione dhe rekomandime për çështjet e diskutuara, duke dhënë një kontribut të vlefshëm në proceset vendimmarrëse të këshillit.

Anëtarët që kanë qenë më aktivë në këto diskutime gjatë kësaj periudhe janë:



**U.D
Kryeprokurori
i Shtetit, Besim
Kelmendi**



**Prokurorja
Jehona Grantolli**



**Prokurori Veton
Shabani**

5. Rekomandime

Me qëllim të ngritjes së efikasitetit dhe transparencës në veprimtarinë e KPK-së dhe KGJK-së, Lëvizja FOL ka ofruar një sërë rekomandimesh, që synojnë të forcojnë llogaridhënien dhe përgjegjshmërinë e këtyre institucioneve. Këto rekomandime janë:

- Të sigurohet që agjendat e takimeve të publikohen në përputhje me afatet ligjore në uebfaqet zyrtare të KGJK - së dhe KPK - së.

- Të respektohet orari për fillimin e takimeve, ashtu siç është paraparë në agjendë.

- Të sigurohet që të gjitha vendimet e miratuara në mbledhjet e Këshillit Gjyqësor të Kosovës të publikohen brenda afatit ligjor.

- Këshilli Prokurorial i Kosovës të angazhohet për publikimin e të gjitha vendimeve të miratuara në ueb faqen e saj të re, duke siguruar qasje të lehtë për publikun në informacionin e nevojshëm.

- Të sigurohet që të gjitha agjendat dhe dokumentet të publikohen në të dy gjuhët zyrtare të Kosovës.

- Të gjithë anëtarët e këshillave të angazhohen më aktivisht në takime përmes diskutimeve, duke kontribuar kështu në arritjen e qëllimit të krijimit të këtyre institucioneve.

- Të sigurohet që të publikohen raporte periodike mbi aktivitetet e KPK - së dhe KGJK - së, përfshirë informacione mbi vendimet e marra, takimet e zhvilluara dhe rekomandimet e dhëna, për të rritur transparencën dhe besueshmërinë e institucioneve.
